

文苑英華卷第二百八十一

詩一百三十二

送行十六

喻鳧六首

李商隱一首

薛逢七首

姚鵠四首



項斯四首

趙嘏十四首

馬戴六首

顧非熊六首

薛能九首

送武毅之邠寧

喻鳧

戍路少人蹤邊烟澹復濃詩寧寫別恨酒不止離容驚拂

沙河柳鴉高石窟鍾悠哉一遐集作阻山疊虜雲重

以下六篇並見集本

送賈島往金州謁姚員外

前人

山光與水色獨往此中深溪瀝椒花氣巖巖盤漆葉陰瀟湘
終共去巫峽羨先尋幾夕江樓月玄暉伴靜吟

送友人罷舉歸蜀

前人

憔悴滿衣塵風光豈屬身賣琴紅粟貴看鏡白髭新棧畔
誰高步巴邊自問津淒然集作恹恹莫滴血杜宇正哀春

送衛尉之延陵

前人

草木正花時交親觸雨辭一官之任遠盡室出城遲乳滴
茅君洞鴉鳴集作啼季子桐想知佐理暇日有詠懷詩

送越州高錄事

前人

官曹權紀綱行李半舟航浦溆潮來廣川源鳥去長筍成

稽嶺岸蓮發鏡湖香澤國還之任鱸魚浪得嘗

送潘咸

前人

時時齋破囊訪我息閑坊煮雪問茶味當風看鴈行心齊
山鹿逸句敵柳花狂堅苦今如此前程豈渺茫

別薛巖賓

李商隱

曙爽行將拂晨清坐欲凌別離真不那風物正相仍漫水
清集作任誰照衰花淺自矜還將兩袖淚同向一窓燈桂樹

乖真隱芸香是小懲清規無以況且用玉壺冰

送西川梁常侍之新築龍山城并錫賚兩州刺史

及部落酋長等

薛逢

聖主憂夷貊屯師剪束欽浪結一皇家思眷祐星使忽登

臨用命期開國遠天必釁礎化湏均草樹恩不間飛沉束
馬凌蒼壁捫蘿上碧岑瘴川風自熱劔閣氣長陰迅瀨從
天急喬松入地深仰觀唯一逕俯瞰即千尋水作新城帶
山爲故壘襟東開洞君聽南關納蠻心渥澤濡三部謂三王部
落衣冠化雨林帶文雕白玉符理篆黃金鳥道經印焚星
纏過紫參迴軒如一作睿獎休作苦辛吟

送西川杜司空赴鎮

前人

黑眉玄髮尚依然紫綬金章五十年三入鳳池操國柄八
分龍節付兵權東周城關中天外西蜀樓臺落日邊莫遣
洪鑪曠直宰九流人物待陶甄

送司徒相公赴闕

前人

承相銜恩赴闕時錦城寒菊始離披龍媒舊識朝天路鷄
樹長虛入夢枝十載殿庭連步武兩來庸蜀撫疲羸莫愁
中土無人識自有明明聖主知

送封尚書節制興元

前人

大封茅土鎮褒中醉出都門殺氣雄陌上晚花迎虎節馬
前新月學彎弓珂臨響澗聲先合旆到春山色更紅欲識
真心報天子滿旗全是發生風

送靈州田尚書

前人

陰風獵獵滿旗竿白草颼颼劔氣攢九姓羗渾隨漢節六
州蕃落從戎鞍霜中入塞凋弓硬月下翻營玉帳寒今日
路傍誰不指穰苴門戶慣登壇

座中走筆送前蕭使君

前人

笙歌慘慘咽離筵
槐柳陰陰五月天
未學蘇秦榮佩印
却思平子賦歸田
芙蓉欲綻溪邊臉
楊柳初迷渡口烟
自笑無成今老大
送君隨淚郭門前

重送徐州李從事商隱

前人

曉乘征騎帶犀渠
醉別都門慘袂初
蓮府望高秦御史
柳營官重漢尚書
斬蛇澤畔人烟曉
戲馬臺前樹影疎
尺組掛身何用說
古來名利盡丘墟

送人歸吳

姚鵠

東吳與上國
萬里路迢迢
集作爲別晨昏久全輕水陸遙
湘陰島上寺
楚色月中潮
到此一長歎
集作知君積恨銷

以下四篇並見集本

送石貫集作歸湖州

前人

同志幸同年
高堂君獨還
齊榮恩未報
共隱事應閑
訪寺

臨湖岸集作開樓見海山洛中推二陸莫久戀鄉關

送劉耕歸舒州

前人

四座莫紛紛
須臾岐路分
自從同得意
誰不惜離群
舊國連青海
歸程在白雲
棄繻當日路
應競看終軍

送黃頗歸袁州

前人

莫倦連朝在
醉鄉孔門多
戀惜分行文
章聲價從來重
霄漢途程此去長
何處聽猿臨萬壑
幾宵因月滯三湘
鑪峯若上應相憶
不得同過惠遠房

送殷中丞遊邊

項斯

話別無長夜停燈聞曙鴉已行難避雪何處合逢花隴寺
門多閉羌樓酒不賒還須問邊將誰擬靜塵沙

送顧逢尉永康

前人

作尉猶年少無辭去路賒漁舟縣前泊山吏日高衙夏景
臨溪寺秋聲織紵家行程須過越應醉鏡一作湖花

送歐陽袞歸閩

前人

秦城幾年住猶著故鄉衣失意時曾識成名後獨歸海秋
蠻樹黑嶺夜瘴禽飛為學心難滿知君更掩扉

送苗七求職

前人

相逢不得三迴笑風送離情入剪刀客路最能銷日月
魂空自怕波濤獨眠秋寺琴聲急心遠拜城隍劍氣高去去

緣多山與海鶴身寧不為飛勞

送令狐郎中赴郢州

趙嘏

佐幕才多始拜侯一門清貴動神州霜蹄曉駐秦雲斷野
旆晴翻郢樹秋幾處塵生隨候騎半江帆盡見分流大馬

罷相吟詩地莫惜頻登白雪樓

曉駐集作晚駐

送張文新除温州

前人

東晉江山稱未嘉莫辭紅旆向天涯凝絃夜醉松亭月歇
馬曉尋溪寺花地與剡川分水石境將蓬島共烟霞却愁

明詔徵非晚不得秋來見海槎集作乘秋見海槎共烟霞共集作接

送滕邁郎中赴睦州

前人

文苑英華 卷一百一十五
五
郡齊秋盡一江橫
頻命郎官地更清
星月去隨新詔動
旌旗遙映故山明
詩尋片石依依晚
帆掛孤雲杳杳輕
想到釣臺逢竹馬
只應歌詠伴猿聲

送蕭俛相公歸山

前人

眼前軒冕是鴻毛
天上人情謾自勞
晚却朝衣便東去
青雲不及白雲高

送王龜拾遺謝官後歸漣水山居

前人

水邊殘雪照亭臺
臺上風襟向雪開
還似當時姓丁鶴
羽毛成後一歸來

送剡客

前人

兩重江外片帆斜
數里林塘遶一家
門掩右軍餘水石
路

橫諸謝舊烟霞
扁舟幾處逢溪雪
長笛何人怨一作思柳花

若到一作到天台洞陽觀
葛洪舟井在雲涯集作舟窻在雲涯

送盧緘歸揚州

前人

曾向雷塘寄掩扉
荀家燈火有餘輝
關河日暮望空極
楊

柳渡頭人獨歸
隋苑荒臺風裊裊
灞陵殘雨夢依依
今年

春色還相悞
爲我江邊謝釣磯
獨歸集作未歸

李先輩擢第東歸有贈送

前人

金榜前頭無是非
平人分得一枝歸
正憐日煖雲飄路
何

處宴迴風滿衣
門掩長淮心更遠
渡連芳草馬如飛
茂陵

自笑猶多病
空有書齋在翠微

送李裴評事

集本無李字

前人

集作
城連
別後

寒垣從事識兵機，只擬平戎不擬歸。
入夜笳聲含白髮，報秋榆葉落征衣。
城臨戰壘黃雲晚，馬渡寒沙夕照微。
此別不應書斷絕，滿天霜雪有鴻飛。
白髮集作素髮 城臨集作城連

此別集作別後

送同年鄭祥先輩歸漢南
時恩門相公鎮山南 前人

年來驚喜兩心知，高處同攀次第枝。
人倚繡屏閑賞夜，馬嘶花徑醉歸時。
聲名本自文章得，行藩閩魯勞筆硯。
隨家去恩門四千里，只應從此夢旌旗。
藩閩集作藩閩

送沈單作尉江都 前人

煬帝都城春水邊，笙歌夜上木蘭船。
三千宮女自塗地，十萬人家如洞天。
焰焰花枝官舍照，重重花影寺牆連。
少年作尉須矜慎，莫向樓前墜馬鞭。

送李蘊赴鄭州因獻盧郎中
又玄集作中丞 前人

僕射陂西想到時，滿川晴色見旌旗。
馬融閑卧笛聲遠，王粲醉吟樓影移。
幾日賦詩秋水寺，經年草詔白雲司。
唯君此去人多羨，却是恩深自不知。
到時集作別時 草詔集作起草

送韓絳歸淮南寄韓綽先輩 前人

島上花枝繫釣船，隋家宮畔水連天。
江帆自落鳥飛外，月觀靜依春色邊。
門巷草生車徹在，朝廷恩及鴈行聯。
相逢且問昭州事，曾鼓莊盆對逝川。
且問昭州事集作莫問揚州事

送薛耽先輩歸謁漢南 前人

雲繞千峯驛路長，謝家聯句待檀郎。
手持碧落新攀桂，月

雲繞千峯驛路長，謝家聯句待檀郎。
手持碧落新攀桂，月

雲繞千峯驛路長，謝家聯句待檀郎。
手持碧落新攀桂，月

集作
別時
起草

集作
藩閩

陳富

文苑英華 卷一百一十五
在東軒舊選牀幾日旌幢延駿馬到時冰玉動華堂孔門
多少風流處不遣頰田識醉鄉

送田使君出蔡州

馬戴

主意思政理牧人官不輕樹多淮右地山遠汝南城望稼
殷田隔登樓楚月生懸知蔣亭下渚鶴伴閑行

送呂郎中牧東海郡

前人

假道經淮泗檣鳥逐準旗蕪城沙蒺接波島石林踈海鶴
公庭下夷人遠岸居山鄉足遺老佇聽薦賢書

送人遊蜀

前人

別離楊柳陌迢迢蜀門行君聽清猿後應多白髮生虹霓
侵棧道雨雪雜江聲過盡愁人處烟雲是錦城

送狄叅軍赴杭州

前人

新官非次受聖主寵前勳關雪發車晚風濤挂席聞海門
山疊翠湖岸郡藏雲執簡從公後髯叅豈勝君

送從弟

一作赴南幕

前人

洞庭秋色起哀婉更難聞身住海邊郡帆懸天際雲炎州
羅翠鳥瘴嶺控蠻軍消息來非易堪悲此路分

雪中送青州薛評事

前人

臘景不可犯從戎難自由憐君急王事走馬赴邊州嶽雪
明日觀海雲冒營丘慙無斗酒馮敢望御重裘

送杭州姚員外

顧非熊

浙江江上郡楊柳到時春塹起背城鴈帆分向海人嶠雲

侵寺吐汀月隔樓新靜裡更何事還應詠白蘋

送朴處士歸新羅

前人

少年離本國今去已成翁客夢孤舟裡鄉山積水東
鼇沉崩巨岸龍闔出遙空學得中華語將歸誰與同

送馬戴入華山

前人

古木亂重重何人識去蹤斜陽收萬壑圓月上三峰
雲裏泉縈石牕間鳥下松唯應採藥客時向此相逢

送喻鳧春歸江南

前人

去年登第客今日早春歸鷲影離秦馬蓮香入楚衣
里問爭慶賀親戚盡光輝唯我門前渚苔應滿釣磯

送友人及第歸蘇州

前人

見君先得意希我命還通不道才堪並多緣蹇共同鶴
鳴荒苑內魚躍夜潮中若問家山路叨連震澤東

送皇甫司錄赴黔南幕

前人

黔南從事容祿利先來饒官受外臺屈家移一舸遙夜
猿聲不斷寒木葉微凋遠別因多感新即倍寂寥

送浙東集作西王大夫

薛能

天爵擅忠貞皇恩復寵榮遠源過晉史甲族本緱笙
亞相兼尤美周行歷盡清制除天近曉衙謝草初生
賓客招閑地戎裝擁上京九街集作衢

鳴玉勒一宅照紅旌細雨當離

席遙花顯去程佩刀畿甸色歌吹館橋聲驟裏從秦賜
餘艫到汴迎步沙逢霽月宿岸致嚴更渤澥流東鄙天
台壓

屬城衆談稱重鎮公意念疲毗井邑曾多難瘡痍此未平
察應均賦歛迹必復桑耕隼重權兼帥羈雄設有兵越毫

隨厚俸剡睡得充名近相傳似持熟紙名睡以二南夜蠟

集作州中宴春風部外行香奩荷鳳詔朱篆動一作龍坑

報後功何患投虛論素精微還直指掌感激自關集作情

舊業懷昏作微班負且評空餘騷雅事千古傲劉楨以下

並見集本

送李殷遊京西

前人

立馬送君地黯然愁到身萬途皆有匠六義獨無人莫恠

敢言集作此已能甘世貧時來貴亦在事是掩何因投刺

皆羈旅遊邊更苦辛岐山終蜀境涇水覆蠻塵埋沒滄瀕

強炎蒸集作醉莫類俗徒欺合得吾道死終新展分先難

許論詩求共親歸京稍作意充斥犯西隣

長安送友人之黔疑作南

前人

衡嶽猶云過君家獨幾千心從賤遊話分向禁城偏陸路

終何處三湘在素船琴書去迢遞星路照潺湲臺鏡簪秋

晚盤蔬飯兩天同文到鄉盡殊國共行連後會應多日歸

程自一年貧交未無忘孤進合相憐

送胡澳下第歸蒲津

前人

無媒甘下集作飛君子尚麻衣歲月榮終在家園近且歸

山光臨舜廟河氣隔王畿甚積湯原思青青宿麥肥湯原

送馬戴書記之太原

前人

故地

地故

文苑英華 卷一百一十五
湖沙淺途中霍嶽橫相於莫已泛詩句負雄名

送進士許棠下第東歸

前人

長安那不住西笑又東行苦似貧無計因何事有成雲峰
天外出江色草中明謾忝相知分吾言世甚輕

送劉駕歸京

前人

相逢聽一吟惟我不降心在世憂何事前生得至音蒲多
南去遠汾盡北遊深爲宿關亭日蒼蒼曉欲臨

送李滇出塞

見二百九十九卷

前人

送李涪巡官歸東樂舊居

前人

羨君歸處

集作去

五峯前徃徃星河實見仙麥隴夏枯成廢

地棗枝秋赤近高天山泉飲犢流多變村酒經蠶味可憐
曾託道門終却住步虛聲裡寄閑眠

此卷校改五十三字

五月十九日

文苑英華卷第二百八十一

文苑英華卷第二百八十二

送行十七

詩一百三十二

劉駕三首

李頻十三首

章碣一首

皮日休二首

許棠七首

聶夷中一首

鄭谷十三首

楊夔三首

杜荀鶴三首

周繇六首

喻坦之四首

黃滔四首

送友人登第歸東

劉駕

同家楚天涯相識秦雲西古來懸弧義豈顧子與妻携手
踐名場正遇公道開君昇我雖黜感恩同所懷有馬不復

文苑英華 卷一百一十五
羸有奴不復飢灞岸槐花落却是出關時青門一瓢空分
手去遲遲期君轍未平我事繼東歸

送李殷遊京西

前人

十年夢相識一覩俄見別征駕在我傍草草意難說君居
洞庭日詩句滿魏闕如何萬里來青桂看人折行裝不及
備西去偶成决一作孟夏出都門紅塵客衣熱荒城見羊
馬野館具薇蕨邊塞漸無虞依宿常待月西園置酒地日
夕簪裾列壯志安可留樽前槐花發

送人登第東歸

前人

學古既到古反求鑒者難見詩未識君疑生建安前海畔
豈無家終難成故山得失雖由命世途多險艱我皇追古
風文柄付大賢此時如爲君果在甲科間晚達多早貴舉
世咸爲然一夕頽却少雖病心且安所居似清明冷竈起
新烟高情懶行樂花盛僕馬前歸程不淹留指期到田園
香醪四鄰熟霜橘千株繁肯憶長安夜論詩風雪寒

送許侍御歸潤州

李頻

家山近石頭遂意在東浮祖席離烏府歸帆轉蜃樓陰霞
出海散落日向潮流別有爲霖日孤雲未自由

送人歸滄洲

前人

風色又西轉坐爲千里分高帆背楚落寒日逆潮曠斷燒
緣喬木盤鷗隱片雲鄉園有戰地歸去始休軍

送人南歸

前人

行行野雪薄寒氣日通春故園入芳草滄江終白身遊歸
花落滿睡起鳥啼新不得無來札空令借問人

送人遊浙西

前人

楚天雪開後草色與君看積水浮春氣深山滯夜寒毗陵
孤月出建業一鍾殘為把鄉書去因收別淚難

送人往太原

前人

并州非故國所去又何思獫狁方為寇嫫姚正用師戍煙
來有號邊雪下無時更想經綿上應逢禁火期

送人歸新定

前人

歸心常共知歸路不相隨彼此無依倚東西又別離山花
含雨亞江樹逆一作潮歌莫戀漁樵興人生各有期

送孫明秀才往潘州訪詩選常卿

前人

北鳥飛不到北人誰詩選去遊天涯浮瘴水嶺外問潘州
草木春冬茂猿猱日夜愁定知遷客淚詩選唯敢對君流

送人往太原

前人

離亭聊把酒此路徹邊頭草白鴈初下時清人去遊汾河
流晉地塞雪滿并州別後相思夜遙看北斗愁

初下集作遙看集作

空有

送人遊淮南詩選揚州

前人

一別長安後晨征更信鷄河聲入峽急地勢出關低綠樹
叢塚下青蕪澗楚西路長知不惡隨處得詩選詩題

送九江狄明府

前人

集作
來畫
空看

文苑英華 卷一百一十五
字人脩祖德清白定聞傳匹馬離秦去孤帆入楚縣關中
寒食兩湖上暑衣天四考兼重攝相和疑作住幾年

送人赴湖南

前人

關門鳥道中飛轉疑作復乘驄暮雪離秦甸春雲入楚宮
平蕪天共濶積水地多空使府懸帆待能銷幾日風

送友人東歸

前人

白社思歸處青門見去人鄉連茂苑樹路入廣陵塵海日
潮浮曉湖山雪帶春猶期來帝里未得是閑身

漢上送人西歸

前人

此日看行意令人動遠心野銜天去盡山夾漢來深疊浪
翻殘雪高帆引片陰唯應留別句畢我白頭吟

送韋岷郎中典泗州

章碣

玉皇恩詔別星班去歷徐方分野問有鳥盡巢垂汴柳無
棲不對隔淮山旌旗漸向行時擁案牘應從到日閑想憶
朝天獨吟坐旋飛新作過秦關

送令狐補闕歸朝

皮日休

文如日月氣如虹舉國重生正始風且願仲山居左掖只
憂徐邈入南宮朝衣正在天香裏諫草應焚禁漏中爲說
明年今日事晉廷新拜黑頭公

送從弟皮崇歸復州

前人

羨爾優游正少年竟陵風集作月似吳天車螯近岸無勞
詩選取舴艋隨風不費牽處處路傍千頃稻家家門外一

文苑英華 卷一百一十五
渠蓮殷勤莫笑襄陽住爲愛南溪縮項鱸

送裴拾遺赴畿令

許棠

受謫因廷諫茲一作東行不出關直廬辭王陞上馬向仙山

地古桑麻廣城偏僕御閑懸齋高枕卧應夢犯天顏

送王侍御越城令

前人

戴豸忽驅鷄東南上句溪路過金谷盡帆轉石城西水樹

連天暗山禽遶縣啼江人諳舊化那復俟招携

送李頻之南陵主簿

前人

赴縣是還鄉途程豈覺長聽絲馬離灞岸盪漿入陵陽野蕨

生公署閑雲拂印牀晴天調厝外垂釣有池塘

送李員外和揚州留後

前人

帝命分留後東南向楚天幾在題送騎中路上迎船冶列

開山鑄民分酌海煎青雲名素里此去豈經年

送龍州樊使君

前人

曾見邛人說龍州地未深碧溪飛白鳥紅旆映青林土產

唯宜藥王租只貢金政成閑宴日誰伴使君吟

送從弟歸泉州

前人

問省歸南服懸帆任北風何山猶見雪半路已無鴻瘴雜

春雲重星垂海夜空往來如不住亦是一年中

送前汝州李侍御罷宣城

前人

吟詩早得名戴豸又加榮下國閑歸去他人少此情雲移

寒嶠出燒夾夜江明重引池塘思還登謝朓城

送友人歸江南

聶夷中

皇州五更鼓月落西南維此時有行客別我孤舟歸上國
身無主下第誠可悲此下集本有天風動高柯不根短木枝歸路無愁腸省
家無愁眉春日隋河路楊柳飄飄吹六句

送徐澳端公南歸

鄭谷

青衿離白社朱紱始言歸此去多應羨初心盡不違江帆
和日落越鳥近鄉飛一路春風裡楊花雪滿衣

送祠部曹郎中鄴出守洋州

前人

為儒欣出守上路亦戎裝舊制詩多諷分憂俗必康開懷
江稻熟寄信露橙香郡閣青吟夜寒星識望郎

送水部張郎中彥回之宰洛陽

前人

何遜蘭休握陶潛柳正垂官清真塞詔事簡好吟詩春漏
懷丹闕涼船泛碧伊已虛西閣位朝夕鳳書追

送吏部曹郎中鄴免官南歸

前人

高名向已求古韻古無儔風月拋蘭省江山向桂一作州
賢人知止足中歲便歸休雲鶴深相待公卿不易留滿朝

張祖席半路上仙舟篋重藏吳畫茶新換越甌郡迎紅燭

宴寺宿翠風流觸目成幽興全家是勝遊蓬聲漁叟兩蒿

色鷺鷥秋久別郊園改將歸里巷修桑麻勝祿食節序免

鄉愁陽朔花迎棹崇賢葉滿溝即中崇賢席春歡促膝簷

日暖扶集作晚梳頭道暢應為蝶集作虎時來必問牛終須康庶

品未爽激寒流議在歸群望情難戀自由小生誠淺拙早

歲便依投夏課每垂獎雪天常見憂遠招陪宿直首薦向

此板鈔本在卷今
移錄本詩下

公侯攀送偏揮灑龍鍾志未醺

送進士盧祭東歸

前人

灞岸草凄凄離觴我獨携流年俱老大失意又東西曉楚山雲滿春吳水樹低到家梅雨歇猶有子規啼

送人之九江謁邵侯苗員外

前人

澤國尋知己南浮不偶遊溢城分楚塞廬嶽對江州曉飯一作臨孤嶼春帆入亂流雙旌相望處月白庾公樓

送進士許彬

前人

泗上未休兵壺關事可驚流年催我老遠道念君行殘雪臨晴水寒梅發故城何當食新稻歲稔又時平

送太學顏時明經及第東歸

前人

平楚干戈後田園失耦耕艱難登第一作喪一作離一作亂省諸兄樹沒春江漲人繁野渡晴閑來思學館猶夢雪窓明

送京叅翁先輩歸閩中

前人

解印東歸去人情此際多名高五七字道勝兩重科宿館明寒燭吟船兀夜波家山春更好越鳥在庭柯

送沈集作田光

前人

九陌低迷誰問我五湖流浪可悲君著書笑破蘇司業賦詠思齊鄭廣文理棹好携三百首阻風須飲幾千分未陽江口春山綠慟哭應尋杜甫墳

送進士葦序赴舉

前人

丹霞照上三清路瑞錦裁成五色毫波浪不能隨集作傾世

能鸞凰應得入吾曹秋山晚水吟晴遠雪竹風松醉格高
預想明年騰躍處龍津春碧浸仙桃

送進士吳延保及第後南遊

前人

得意却思尋舊跡新銜未得上蘭臺吟看秋草出關去逢
見故人隨計來勝地昔年詩板在清歌幾處郡筵開江湖
易見淹留興莫待春風吹集作瘦梅

淮上與友人別

前人

揚子江頭楊柳春梅花愁殺渡江人數聲風笛離亭晚君
向瀟湘我向秦

送張相公出征

楊夔

得意在當年登壇秉國權漢推周勃重晉讓趙宣賢儒德
冠立降兵錄太白傳授毫飛鳳藻發匣吼龍泉歷火金難
耗凌霜桂益堅從來稱玉潔此更讓朱妍鴛鴦臻門下貌
貅擁帳前去知清朔漠行不費陶甄獻畫符中肯推誠契
上玄願將班固筆書頌勒燕然

送杜郎中入茶山脩貢

前人

一道澄瀾徹底清仙郎輕棹出重城採蘋虛得當時稱述
職那同此日榮劔戟步經一作高障黑綺羅光動百花明
謝公携妓東山去何似乘春奉詔行

送鄭谷

前人

春江瀵瀵清且急春雨濛濛密復疎一曲狂歌兩行淚送
君兼寄故鄉書

送賓貢登第後歸海東

杜荀鶴

歸捷中華第登船鬢未絲直應天上桂別有海東枝國界
波窮處鄉心日出時西風送君去莫慮到家遲以下三篇
並見集本

送人南遊

前人

凡遊南國者未有不蹉跎到海路雖盡集作難盡掛帆人更多
潮沙分象跡花洞響中歌縱有投文處於君能幾何

亂後送友人

集作送友人遇亂

歸湘中

前人

家枕三湘岸門前即釣磯漁竿壯歲別鶴髮亂時歸岳暖
無後叫江春有鷺飛平生書劍在莫便學忘機

送江州薛尚書

一作即中

周繇

匡廬千萬峯影匝郡城中忽佩虎符去遙疑鳥道通烟霞
時滿郭波浪暮連空樹翳樓臺月帆飛鼓角風郡齋多岳
客鄉戶半漁翁王事行春外題詩寄遠公

送邊上從事

前人

戎裝佩鏃鋤走馬逐輕車衰草城邊路殘陽壠上茄黃河
穿漢界青塚出湖沙提筆男兒事功名立可誇

送洛陽崔員外

前人

塞詔除嵩洛觀圖見廢興城遷周古鼎地列漢諸陵日送
歸朝客時招住嶽僧郡齋臺閣滿公退即吟登

送人尉黔中

前人

盤山行幾驛水路復通巴峽漲三川雪園開四季花公庭
飛白鳥官俸請丹砂知尉黔中後高吟採物華

送楊環校書歸廣南

前人

天南行李半波濤
灘樹枝枝拂戲猱
初着藍衫從遠嶠
乍辭雲署泊輕艘
山村象踏枕柳葉
海外人收翡翠毛
名宦兩成歸舊隱
徧尋親友典何饒

送宇文虞

前人

此別欲何往
未言歸故林
行車新歲近
落日亂山深
野店寒無客
風窠動有禽
潛知經目事
大半是愁吟

送友人遊東川

喻垣之

食盡酒分散
將行幾願留
春兼三月閏
人擬半年遊
風俗同吳地
山川擁梓州
思君登棧道
猿嘯始應愁

送友人南中訪舊知

前人

春盡大^方遊
思君便白頭
地蒸川有毒
天暖樹無秋
水接三巴險
猿分五嶺愁
為緣知己分
南國必淹留

大梁送友人東遊

前人

自古東西路
舟車此地分
墓^{一作河}聲梁苑
夜草色楚田
曠鴈已多南
去蟬猶在此
聞聖朝無諫
獵何計謁明君

此詩二百九十五卷重出今已削去註異同為一作

送友人遊蜀

前人

為儒早得名
為客不憂程
春盡離丹闕
花繁到錦城
雪消巴水漲
日上劔關明
預想迴來樹
秋蟬已數聲

送陳明府歸衡

黃滔

雛鶴^{一作}兼雛^{一作}下單車
出柳烟三年兩殊考
一日數離筵

久別潮波綠相思嶽月員翠蘿曾隱處定恐却求仙

送翁拾遺

前人

還家俄赴闕別思肯淒淒山坐輶車看詩將諫筆題天開
中國大地設四維低拜舞吾君後青雲更有梯

遊邊送友人

前人

虜酒不能濃縱傾愁亦重關河初落日霜雪下窮冬野燒
枯蓬旋沙風匹馬衝劍門雖漢土遊子莫從容

送友人遊邊

前人

銜盃國門外分手見殘陽何日還南越今朝往北荒沙城
經雨壞虜騎入秋征新詠關山月歸吟白霜

文苑英華卷第二百八十二

校改六十一字五月十九日

文苑英華卷第二百八十三

詩一百三十三

送行十八

張喬十七首

王貞白三首

張蠙十首

王穀一首

盧延讓一首

曹松六首

羅隱十八首

裴說五首

唐彥謙一首

送鄭侍御赴汴州辟命

張喬

官從諫署清暫去佐戎旌朝客多相送吟僧欲伴行河水
天際白嶽雪眼前明即見東風起梁園聽早鶯

送南陵尉李頻

前人

重作東南尉生涯尚似僧客程淮館月鄉思海船燈曉霧
看春轂晴天見郎陵不應三考足先授詔書徵

送鄭谷先輩赴汝州辟

前人

看花興未休已散曲江遊載筆離秦甸從軍過洛州嵩雲
將雨出汝水背城流應念依門客蒿萊滿目

一作秋

送沈先輩尉昭應

前人

餘才不廢詩佐邑喜聞司丹陛終須去青山未可期葉凋
溫谷晚雲出古宮遲若草東封疏君王到有時

送友人遊湖南

前人

所投非舊知亦似有前期向路長江上揚帆細雨時春生
南嶽早日轉大荒遲盡採瀟湘句重來會近期

送前輩讀三傳任長城尉

前人

登科精魯史作尉及良時高論窮諸國長才併幾司地傾
流水疾山疊過雲遲暇日琴書伴何人對手棋

送友人遊蜀

前人

天下猿多處西南是蜀關馬登青壁瘦人度翠微閑帶雨
逢殘火因江見斷山行歌風月好莫老錦城間

江上送友人南遊

前人

何處積鄉愁天涯聚亂流岸長群岫晚湖濶片帆秋買酒
過漁舍分燈與釣舟瀟湘見來鴈應念獨邊遊

送友人歸江南

前人

辛勤同失意迢遞獨還家落日江邊笛殘春島上花親安

誠可喜道在亦何嗟誰伴高吟處晴天望九華

送進士許棠

前人 詩選

離鄉積歲年歸路遠依然夜火山頭市春江樹杪船干戈
秋心鬢改瘴癘喜家全何處營其旨潮濤浸薄田

送龐百篇之任青陽縣尉

前人

都堂公試日詞翰獨超群品秩台庭與篇章聖旨聞鄉連
三楚縣樹對九華雲多少青門客臨岐共羨君

送碁待詔朴求歸新羅

前人

海東無敵手歸去道應孤關下傳新勢船中覆舊圖窮荒
迴日月積水載寰區故國多年別桑田後在無

送友人遊蜀

前人

劍閣緣空去西過第一一作西幾州丹霄行客語明月杜鵑
秋露帶山花落雲隨野水流相如曾醉地莫戀少年遊

送友人北遊

前人

東歸未遂心北去幾沉吟把酒思鄉遠投文入塞深晉山
擎白道汾水截青林想見連天雪安知一作長安是積霖

送友人及第歸江南

前人

豈易及歸榮辛勤致此名登車思往事迴首勉諸生路遠
山光曙帆通海氣清秋期却閑坐林下聽江聲

送海東朴克

前人

天涯離二紀闕下歷三朝漲海雖然濶歸帆不覺遙驚波
時失侶舉火夜相招來往尋遺事秦皇有斷橋

送友人歸宣州

前人

失計復離愁君歸我舊遊亂花藏道發春水遶鄉流暝火
叢橋市晴山疊郡樓無為謝公戀吟過晚蟬秋

送友人南歸

王貞白

南國菖蒲老知君憶釣船離京近殘暑歸路有新蟬峴首
白雲起洞庭秋月懸若教吟興足西笑是何年

送馬明府歸山

前人

辭秩入匡廬重脩靖節居免遭黑綬束不與白雲踈送吏
各獻酒群兒自擔書到時看瀑布為我謝清虛

送韓從事歸本道

前人

獻捷靈州倅歸時寵拜新論邊多稱旨許國誓身馬渴

黃河凍鴈回青塚春到蕃唯足戰應不肯和親

送友人赴涇州幕

一作送李中丞再赴慶州

張蠙 見百家詩選

杏園沉飲散榮別就嘉招日月相期盡山河獨去遙府樓
明蜀雪關積轉胡鵬縱有烟塵動應隨上策銷

送成州牧

前人

清時為塞郡自古有儒流素望知難愜新恩且用酬大牙
連蜀國兵額貫秦州抵作三年別誰能聽邑留

送董卿赴台州

前人

九陌除書出尋僧問海城家從中路挈吏隔數州迎夜蚌
侵燈影春禽雜櫓聲開圖見異跡思上石橋行

送徐州薛尚書

前人

文苑英華 卷一百一十五
上將出儒中論詩擬立功州從禹後別軍自漢來雄遠驛
銷寒日嚴城肅暮空龍顏有遺廟猶得真英風

送薛卽中赴江州

前人

幾州聞出刺遙羨有江民正面傳天旨懸心禱岳神尺書
先假路紅旆旋燒塵郡顯山川別衙開將吏新散招僧坐
暑閑載客行春聽事甚忘着探題酒亂巡好編高隱傳多
貌上昇真近日居清近求人在此人

送縉雲尉

前人

釋褐從仙尉之官興若何去程唯水石公署在雲蘿野陔
樓中迥晴峰案上多三年罷趨府應更戰高科

送友人歸武陵

前人

聞近桃源住無村不是花戍旗招海客廟鼓集江鴉別島
垂橙實閑田長荻花遊春未得意看即是離家

和友人送趙能卿東歸

前人

一第時難得歸期日已過相看玄鬢少共憶白雲多楚澗
天垂草吳宮月上波無人不有遇之子獨狂歌

送友人歸南中

前人

有家誰不別經亂獨難尋遠路波濤惡窮荒雨霧深曉驚
山象出雷觸海鰲沉爲問南遷客何人在瘴林

送友人及第歸

前人

家林滄海東未曉日先紅作貢諸蕃別登科幾國同遠聲
魚呷浪層氣蜃迎風鄉俗稀攀桂爭來問月宮

送友人歸閩

王穀

東南歸思切把酒且留連
再會知何處相看共黯然
猿啼梨嶺路月白建溪船
莫戀家鄉住酬身在少年

送友人赴闕

盧延讓

正當天下待雍熙丹詔徵來早
為渾倚馬才高猶愛藝問
牛心在肯容私吏開黃閣
排班處民擁青門看入時
却笑郡人留不得感恩唯擬
立生祠

九江送方干歸鏡湖

曹松

一檣懸五兩此日動歸風
客路拋湓口家林入鏡中
譚餘雲出嶠詠苦月歎空
更若遊支島何人夜坐同

送尤協律京西從事

前人

辟書來幾日逐意就嘉招
猶向風沙淺非於甸服遙
時平無探騎秋靜見盤鵬
若遣關中使煩君問寂寥

都門送進士張喬東歸

前人

舊客東歸遠長安詩少朋
去愁分磧鴈行計逐鄉僧
華嶽無時雪伊河漫處米
知辭國門路片席認巴陵

秋日送方干遊上元

前人

天高淮泗白料子趨脩程
汲水疑山動揚帆覺岸行
雲離京口樹鴈入石頭城
後夜分遙念一作諸峯月霧詩選作霧露

生

送陳樵校書歸泉州

前人

巨塔列名題詩心亦罕齊
除官京下闕乞假海門西
別席

文苑英華 卷一百一十五
侵殘漏歸程避戰聲關遙秦鴈斷家近瘴雲低候馬春風
館迎船曉月溪帝京須早入莫被刺桐迷

送進士喻坦之遊太原

前人

北鄙征難盡詩愁滿去程廢巢侵曉色孤詩選作荒塚入鋤聲

逗野河流濁離雲積月明并州戍壘暮詩選作角動引風

生

送李右丞分司東城

羅隱

分曹得洛川讜議更昭然左省曾批勅中臺肯畏集作權

所悲時漸薄共賀道尤全賣與清平代相羨直幾錢

送汝州李中丞十二韻

前人

群盜方爲梗分符奏未寧黃巾攻郡邑白挺掠生靈塵土

周畿暗瘡痍汝水腥一克雖剪滅數縣尚凋零理必咨寬

猛謀須藉典刑與能纜物論慎選忽天庠官品尊臺秩山

河擁福星虎知應去境牛在肯全形舊政窮人瘼新銜展

武經關防秋草白城壁晚峯青破膽期來復迷魂想待醒

魯山行縣後聊爲奠惟馨

送沈光侍御赴職閩中

前人

末至應居右全家出帝鄉禮優逢苑雪官重帶臺霜夜浦

吳潮吼春灘建水狂延平有風雨從此是騰驤

送內使周大夫自杭州朝貢

前人

八都上將近平戎便附輶軒奏聖聰三按集作變又作接駕前朝

覲禮一函江表戰征功雲歸集作閩苑何時見水到集作

文苑英華 卷一百一十五
瑤池觸處通知有殿庭餘力在莫辭消息寄西風

淮南送節度盧端公將命之汴州端公常為汴州

相公從事

前人

吹臺高倚圃田東此去輶車事分同珠履舊叅蕭相國綵
衣今佐晉司空醉離淮甸寒星下吟指梁園密雪中到彼
的知宣室語幾時徵拜黑頭公

送盧端公歸臺盧校書之夏縣 前人

綿綿堤草拂征輪龍虎俱辭楚水濱只見勝之為御史不
知梅福是仙人地推八米源流盛才笑三張事業貧一種
西歸一般達栢臺霜冷夏城春

送朗州張員外

前人

聖朝綸閣最延才須牧生民始入來鳳藻已期他日用集
旗應是隔年田旗飄峴首嵐光重酒奠湘江杜魄哀腸斷
秦原二三月好花全為使君開

重送朗州張員外

前人

朱輪此去正春風且駐青驄集作門聽斷蓬一榻早年容孺
子雙旌今日別文翁誠知與集作及善心長在爭柰于時跡
轉窮酬德酬恩兩無路謾勞惆悵鳳城東

淮南送李司空朝覲

前人

聖君宵旰望時雍丹詔西來雨露濃楚客歌狂集作宣休
歎鳳武侯才大本猶集作吟龍九州似鼎終須負萬物為銅
只待鎔臘後春前更何事便看經度奏東封

淮南送工部盧員外赴闕

前人

始從豸角曳長裾又吐鷄香奏玉除隋卽舊僚推謝掾漢
庭高議得相如貴分赤筆升蘭署榮著緋衣從板輿遙想
到時秋欲盡禁城涼冷露槐疎

淮南送司勳李郎中赴闕

前人

中朝品秩重文章雙筆依前賜望卽五夜星辰歸帝座半
年樽俎奉梁王南都水暖蓮分影北極天寒鴈着行不必
戀恩多感激過淮應合見徵黃

送陸郎中赴闕

前人

幕下留連兩月強爐邊侍史舊焚香不關雨露偏垂意自
是鴛鸞合着行三署履聲通建禮九霄星彩應明光少喻

鑊管丘遲錦從此西垣使鳳凰

早春送太梁盧從事

集作送張坤歸大梁

前人

蕭蕭羸馬立

集作正

塵埃又送輶軒向吹臺別酒莫辭今夜

酌

集作醉

故人知是幾時迴泉經華嶽猶應凍花到梁園始

合開若見

集作爲謝

東門抱關者

集作吏

爲言

集作不堪

惆悵滿離杯

此詩又見二百三十一卷

送進士臧漬下第後歸池州

前人

賦成無處換黃金却向東遊

集作春風

動越吟天子愛才雖側

席諸生多病又霑襟柳攀灞岸狂遮袂水憶池陽綠滿心

珍重綵衣歸正好莫將閑事繫升沉

途中送人東遊有寄

前人

歸集作

離驂莫惜暫逡巡君向池陽我入秦歲月易拋非曩日酒
盃難得是同人路經隋苑橋燈夜江轉臺城岸草春此處
故交誰見問為言霜鬢壓風塵

送宿松傅少府

前人

江籬漠漠樹重重東過青淮到宿松縣好也知臨皖水官
閑應得看瀟峯春生綠草集作野吳歌怨雪霽平郊楚酒濃
留取餘盃待張翰明年歸棹一從容

送沈光及第後東歸兼赴嘉禮 前人

青青月桂觸人香白紵衫輕稱沈郎好繼馬卿歸故里况
聞山簡在襄陽杯傾別岸終集作應須醉草集作花傍征車漸
欲芳擬把金錢集作贈助嘉禮不堪栖屑困名場

送友人歸夷門

前人

三年流落大梁城每送君歸即有情別路筭來成底事舊
游言着似前生苑荒懶認詞人會門在空憐烈士名至竟
男兒分應足集作定不須惆悵谷中鶯

送人宰邑

裴說

官小任還重命官難偶然皇恩輕一邑赤子病三年瘦馬
稀食粟羸童不識錢如君清苦節到處有人傳

春暖送人下第

前人

相送短亭前知君愚復賢事多憑夜夢老為待明年春樹
添山脊晴雲學曉烟雄文有公道此別莫潛然

湖外送何崇入閣

前人

因詩相識久忽此告臨途便是有船發也須容市沽精吟
五箇字穩泛兩重湖長短逢公道清名振帝都

送進士蘇瞻亂後出家

前人

因亂事空王孤心亦不傷梵僧為骨肉栢寺作家鄉眼閉
千行淚頭梳一把霜詩書不得力誰與問蒼蒼

秋日送河北從事

前人

北風沙漠地吾子遠從軍官路雖非遠詩名要且聞蟬悲
欲落日鷗下擬陰雲此去難相戀前山摻袂分

送樊瑄司業歸朝

唐彥謙

近者蘇司業文雄道最光夫君居太學妙譽繼中行汲郡
陵初發汾陰篋久亡寂寥方倚席容易忽升堂去日應懸

楊來時定裂裳愜心頻拾芥應手屢穿楊辨給如無敵飛
騰固自強論心期古在問事畏頭長駟馬終題柱諸生悉

面牆嚼螯譏爾雅賣餅訴公羊

三國志注魏嚴幹善春秋公羊鍾繇好左氏為公羊

為賣餅家未見泥函谷俄驚火建章烟塵昏象魏行在隔巴梁

紅粟填郡塢青袍過壽陽剪茅行殿濕伐栢舊陵香蠹室
青衿盡渠門火旆揚雲飛同去國星散各殊方賤子悲窮

轍當年亦擅場葵辛尋幼婦醴酒憶先王聖域探姬孔皇
風樂禹湯畏誅輕李喜言命小臧倉折樹休盤槩沉鈞且

釣璜鴻都問詞客他日莫相忘

送鄭侍御

集作外

多相送

集作難

吟僧

集作眼前

明

集作馬

校四十二字補校記二十九字五月二十日

文苑英華卷第二百八十三

文苑英華卷第二百八十四

詩一百三十四

送行十九

送人省覲七十六首

送賈起居奉使入洛取圖書因便拜覲 蘇頌

舊國才因地當朝使命官遺文徵缺簡還思採芳蘭傳發

關門候觴稱邑里歡早持京副入旋佇落書刊

送常侍舒公歸覲 前人

朝聞講藝餘晨省拜恩初訓胄尊庠序榮親耀里閭朱丹

華轂送班白綺筵舒江上春流蒲還應薦躍魚

重送舒公 前人

散騎金貂服彩衣桃花水上逐春歸懸知邑里遙相均事

主榮親代所稀

送崔三往密州觀省

王維

南陌去悠悠東郊不少留同懷扇枕戀獨解集作倚門愁路遶天山雪家臨海樹秋魯連功未報且莫蹈滄洲

送友人南歸見二百十八卷

前人

送李給事歸徐州觀省

遜狄

列位登青瑣還鄉服絲衣共嚴晨省日更是晝遊歸春水經梁宋晴山入海沂莫愁東路遠四牡正駸駸

送許八拾遺歸江寧觀省

杜甫

詔許辭中禁慈顏一作赴北堂聖朝新孝理祖席倍恩作

輝光內一作昂擊偏重宮衣着更香淮陰清夜驛京口渡

江帆春隔雞人晝秋期燕子涼賜書誇父老壽酒樂城隍

一作竹影趨庭曙山添扇枕涼十年過父老幾日賽城隍看晝曾饑渴追蹤恨一作森

茫虎頭金粟影神妙獨難忘甫昔時嘗客遊此樂於許生處乞瓦棺寺維摩圖樣志諸

末篇

送韓十四江東觀省

前人

兵一作干不見老萊衣嘆息人間萬事非我已無家尋弟

妹君今何處訪庭闈黃牛峽靜灘聲轉一作急白馬江寒樹

影稀此別須當各努力故鄉尤恐未同歸

送王孝廉觀省

李白

彭蠡將天合姑蘇在日邊寧親候海色欲動孝廉船窈窕晴江轉參差遠岫連相思無晝夜東泣侶長川

送鄭務拜伯父

綦母潛

名公作逐臣驅馬拂行塵舊國問勛子勞歌向郢人一川
花送客二月柳宜春奉料竹林興寬懷此別晨

送集賢學士伊闕史少府敕放歸江東觀省

陶翰

墨客鍾張侶材高吳越珍千門來謁帝駟馬去榮親吏邑
沿清洛鄉山指白蘋歸期應不遠當及未央春

送張七判官還京觀省

劉長卿

春蘭方可採此去葉初齊函谷鶯聲裏秦山馬首西庭闈
新栢署門館舊桃蹊春日集作色長安道相隨入禁闈

以下三篇並見集本

送張羽扶持之睦州

此公舊宰建德

前人

遙憶新安舊扁舟復却還淺深看水石來往逐雲山入縣
餘花在過門故柳開東征隨子去偕隱薜蘿間

客舍贈別帝九建赴任河南常十七造任鄭縣就

便觀省

前人

與子頗疇昔常時仰英髦弟兄盡公器詩賦凌風騷頃者
遊上國獨能光選曹秀名冠二陸精鑒逢山濤且赴倚門
望莫辭趨府勞桃花照綵服草色連青袍征馬臨素澹離
人傾濁醪華山微雨霽祠上殘雲高而我倦栖屑別君良
鬱陶春風亦未已旅思空滔滔拙分甘棄置窮居長蓬蒿
人生未鯤化物意如鴻毛迢遞兩鄉別慙慙一寶刀清琴

送鄭務拜伯父

綦母潛

名公作逐臣驅馬拂行塵舊國問勛子勞歌向郢人一川
花送客二月柳宜春奉料竹林興寬懷此別晨

送集賢學士伊闕史少府敕放歸江東觀省

陶翰

見集

墨客鍾張侶材高吳越珍千門來謁帝駟馬去榮親吏邑
沿清洛鄉山指白蘋歸期應不遠當及未央春

送張七判官還京觀省

劉長卿

春蘭方可採此去葉初齊函谷鶯聲裏秦山馬首西庭闈
新栢署門館舊桃蹊春日集作色長安道相隨入禁闈

以下三篇並見集本

送張羽扶持之睦州

此公舊宰建德

前人

遙憶新安舊扁舟復却還淺深看水石來往逐雲山入縣
餘花在過門故柳開東征隨子去偕隱薜蘿間

客舍贈別帝九建赴任河南常十七造任鄭縣就

便觀省

前人

與子頗疇昔常時仰英髦弟兄盡公器詩賦凌風騷頃者
遊上國獨能光選曹秀名冠二陸精鑒逢山濤且赴倚門
望莫辭趨府勞桃花照綵服草色連青袍征馬臨素澹離
人傾濁醪華山微雨霽祠上殘雲高而我倦栖屑別君良
鬱陶春風亦未已旅思空滔滔拙分其棄置窮居長蓬蒿
人生未鯤化物意如鴻毛迢遞兩鄉別慙慙一寶刀清琴

有古調更向何人操

送楊千牛赴歲赴汝南郡覲省便成婚 岑參

問吉轉征鞍安人道姓潘歸期明主賜別酒故人歡珠箔

障鑪煖狐裘耐臘寒汝南遙倚望早去及春盤

以下四篇並見集本

送張即中赴隴右覲省卿公特張卿公亦充節度留後 前人

中郎鳳一毛世上獨賢豪弱冠已銀印出身唯寶刀還家

卿月迥度瓏將星高幕下多相識遠書醉懶操

送張直公歸南鄭拜省 前人

夫子思何速世人皆歎奇萬言不加點七步猶一作獨 嫵遲

對酒落日後還家飛絮一作雪 時北堂應多望一作夕待 鄉夢促

征期

送陶銳棄舉荆南覲省 前人

明時不愛僅浪跡東南遊何必世人識知君輕五侯採蘭

度漢水問絹過荊州異國有歸興去鄉無客愁天寒楚塞

兩月淨襄陽秋坐見吾道遠令人看白頭

送杜士瞻楚州覲省 李嘉祐見集

風流與才思俱似晉時人淮月歸心促江花入興新雲深

滄海暮柳暗白田春共道官猶小憐君孝養親

送邊補闕東歸覲省 錢起

東去有餘意集作景 風生賜錦衣集作春風 鳳凰銜詔下才

子採蘭歸斗酒百花裏人情集作情人 一笑稀別離須計日想

望集作相在彤闈

以下三篇並見集本

送虞說擢第南歸覲省

前人

南風起別袂心到衡湘間客路楚天遠集作歸客楚山遠孤舟雲

水閑愛君採蘭處花鳥連家山得意且寧省人生難此還

送外甥懷素歸覲

前人

釋子吾家寶神清惠有餘能翻梵王字妙盡伯英書遠鶴

無前侶孤雲寄太虛往來輕世界醉裏得真如飛錫離江

集作鄉又寧親喜一作臘初故池殘雪滿寒柳霽烟疎

壽酒還嘗藥晨飡不薦魚遙知禪誦外健筆起閑居

此詩二百十九卷重出今已削去注異同為一作

送友人歸魯覲省已見一百一十一卷

韓翃

送李萬饒覲省

皇甫冉

前程歡拜慶異縣惜招携荀氏風流遠胡家清白齊川迴

一作吳岫失塞濶楚雲低舉目觀魚鳥驚心怯鼓鼙人稀

漁浦外難淺定山西無限青青草王孫去不迷

送彭開府往雲中覲使君

盧綸

一門三代貴非是主恩偏破虜山銘在承家劔藝全奪旗

貂帳側射虎雪林前鴈塞逢兄弟雲州綏管絃凍河光帶

日枯草靜無烟儒者曾親武因貽上將篇

送衛司法河中覲省

即故吏部王延昌外甥

前人

出身因強學不以外家榮年少無遺事官閑有政聲曉山

臨野渡落日照軍營共賞高堂下連行弟與兄

送尹樞令狐楚及弟後歸觀 前人

佳人比香草君子即芳蘭寶器金壘重清音玉佩寒貢文
齊受寵獻醴兩承歡鞍馬并汾地爭迎陸與潘

送太常李主簿歸觀 前人

粲粲美仍都清閑一貴儒定交分玉劔發詠寫水壺風景
隨台位河山入障圖上堂多慶樂肯念谷中愚

送渾鍊歸觀却赴闕庭 前人

雲幕擁簪裾台庭餞伯魚綵衣人競看銀詔帝親書知子
當元老為臣淺二疎執珪期已迫捧膳步寧徐而我愚誠
者夫君起病諸探題多最勝饌玉每分餘榮比成功後恩
同造化初甌塵方欲合籠翮忽將舒榆筴錢難比揚花雪

不如明朝古隄路心斷玉人車

送內弟苜仁宗歸信州觀省 前人

常差外族弟兄稀轉覺心孤是送歸醉掩壺觴人有淚愁

穿魂夢一作夢月無輝烹魚綠岸烟浮草採橘青溪露濕

衣聞說江樓長卷慢幾回風起望胡威

送李尚書即君昆季侍從歸觀滑州 前人

鳳雛聯翼美王孫綵服戎裝擬塞垣金鼎對筵調野膳玉
鞭齊騎引行軒冰河一曲旌旗滿墨詔千封雨露繁更說
務農將罷戰敢持歌訟慶晨昏

送廣陵王主簿自蜀歸絳州寧觀 戴叔倫

將歸汾水上遠自錦城來已泛西江盡仍隨北鴈迴暮雲

征馬速曉月故關開漸向庭闈近留君更一杯

送穆侍御歸覲東都

權德輿

知君儒服貴綵綉兩相輝
婉婉成名後翩翩擁傳歸
江深烟嶼沒山暗雨雲飛
共待酬恩罷相將去息機

以下三篇並見集本

送盧評事婺州覲省

前人

知向東陽去晨裝見綵衣
客愁青眼別家喜玉人歸
漠漠水烟晚蕭蕭楓葉飛
雙溪泊船處候吏拜胡威

送崔端公即君入京覲省

前人

已見風姿美仍聞藝業勤
清秋上國路白晷少年人
帶月輕帆疾迎霜綵服新
過庭若有問一為說漳濱

送王端公之太原歸覲相公

戎昱

柱史今何適西行詠陟岡
也知人惜別終美鴈成行
春雨桃花靜離樽竹葉香
到時丞相閣應喜棣華芳

送陸秀才歸覲省

前人

武陵何處在南指楚雲陰
花萼連芳近桃源去路深
啼鶯徒寂寂征馬已駸駸
隄上千年柳條條掛我心

送路少府貢使兼覲侍御兄

釋皎然

國賦推能吏今朝發貢湖
佇瞻雙闕鳳思見栢臺烏
樹向秦關遠江分楚驛孤
榮君有兄弟相繼騁長途

送顏處士還長沙覲省

前人

西候風信起三湘孤客心
天寒漢水廣鄉遠楚雲深
服彩

將侍膳擷芳思滿襟歸人志難阻別恨獨何人

送鄭孝廉淮西覲省 前人

離袂翠葉滿晨羞欲早行春風生楚樹晚角發隋城山靄

一作野露濕衣彩江鴻增客情征徒不用戒坐月白波清

送淳于秀才蘭陵覲省 前人

歡言欲忘別風信忽相驚柳浦歸人思蘭陵春草生擷芳

心未及視枕戀常盈此去非長路還如千里情

冬日送顏延之明府撫州覲省 前人

臨川千里別惆悵上津橋日暮人歸盡山空雪未銷鄉雲

心渺渺楚水路遙遙林下方歡會山中獨寂寥天寒驚斷

鴈江信望回潮歲晚流芳歇思君在紫霄

送鄂州張別駕歸襄陽覲省 司空曙

蒼烟峴峰一作亭路臘日漢江春帶雪半山寺行沙隔水人

王祥因就宦萊子不遺親正恨殊鄉別千條楚柳新

送魏季羔遊長沙覲省 前人

蘆荻湘江水蕭蕭萬里秋鷓高看迥野蟬遠入中流訪友

多成滯携家不厭遊惠連仍有作知得從兄酬

送友人擢第歸覲 李端

登龍兼折桂歸去賞高居舊楚楓猶在前隋柳已疎月中

逢海客浪裏得鄉書見說江邊住知君不厭魚

送魏廣下第歸揚州寧親 前人

遊宦今空返浮淮一鴈秋白雲陰澤國青草遶揚州調膳

集作月

集作有新作

集作送韓璿之

集作當高車暗集作

集作寫愁

過花下張筵列水頭崑山仍有玉歲晏莫淹留

春日送沈贊府歸潯陽觀叔父 揚巨源

潯陽阮咸宅九派竹林前花嶼高如浪雲峯遠似天江聲
在南巷海氣入東田才子今朝去風濤思渺然

送高士安下第歸岷南寧觀 歐陽詹

借隱有贊親岷南四十春棲雲自匪石觀國暫同塵就養
思兒戲延年愛鳥伸還看謝時去

送國子令狐博士赴興元觀省 劉禹錫

相門才子高陽族學省清資五品官諫院過時榮稌夢謝
庭歸去踏芝蘭山中花帶烟嵐晚棧底江含雪水寒伯虎

集作 到家人盡賀柳營蓮府遞相歡

聞韓賓擢第歸觀以詩美之兼賀韓十五曹長時

韓牧永州 前人

零陵香草滿郊坰丹穴鷓飛入翠屏孝若歸來呈畫讚孟
陽別後有山銘蘭陵舊地花纔結桂樹新枝色尚清為報
儒林丈人道如今縱放鬢星星

送秀才鄭君歸寧 張籍

桂檝綵為衣行當令節歸夕 集作夜 潮迷浦盡 集作遠 晝雨見
人稀野芟到時熟江鷗泊處飛離琴一奏罷山水靄餘輝

送李琮歸靈州觀省 姚合

餞席離人起貪程醉不眠風沙移道路僕馬識山川塞樹
花開小關城下雪偏胡塵今已盡應便促朝天

送李餘及第歸蜀

賈島

知音仲久屈觀省去光輝津濟逢清夜途程盡翠微雲當
綿竹疊鳥離錦江飛肯寄書來否原居出甚稀

以下四篇並見集本

送常瓊校書

前人

賓佐兼歸覲此行江漢心別離從闕下道路向山陰孤嶼
消寒沫空城滴夜霖若耶溪畔寺秋色共誰尋

送董正字常州覲省

前人

相逐一行鴻何時出磧中江流翻白浪木葉落青楓輕楫
浮吳國繁霜下楚空春來歡侍阻正字來東宮

送雍陶及第歸成都寧覲

前人

不唯詩著籍兼又賦知名議論於題稱春秋對問精半應

陰隲與全賴有司平歸去峰一作巖巒衆別來松桂生漲江

流水品一作曲當道白雲坑勿以攻文捷一作健而將學劍輕

裂一作製衣新濯錦開醞舊燒罌同日升高士誰同膝下榮

送董正字武歸覲毗陵

釋無可

暫辭離校去未發見新鴻路入江波上人歸楚邑東山遙
晴出樹野極暮連空何以念兄弟應思潔膳同

送威衛李騎曹之靈武寧省

前人詩選作郎士元

一歲一歸寧涼天數騎行河來當塞曲山遠與沙平縱獵
旗風卷聽笳帳月生新鴻引寒色回日滿京城

送邵錫及第歸湖州

前人

八字在前詩下

春關鳥罷啼歸慶浙烟西郡守招集作邀延重鄉人慕集作仰

羨齊橘青逃集作陶暑寺茶長隔湖溪乘暇知高眺微應辨

會稽

送蔡京東歸迎侍

劉得仁

高堂唯兩別此別有成歸薄俸迎親遠雄文解易稀鄆郊

秋木見魯寺夜鍾微近臘西來日多逢霰雪飛

送高湘及第後東歸觀叔

前人

此去幾舫榮登科鼎足名無慚入南巷高價登東京一作對窓塞

高山碧庭來洛水聲門前桃李樹一逕已成陰

送友人下第歸觀

前人

君此卜行日高堂應夢歸莫將和氏淚滴著老萊衣岳雨

連河細田禽出麥飛到家調膳後吟苦落蟾暉

送友人下第歸揚州觀省

前人

新柳間花垂東西京路岐園林知自到寢食計相思雨斷

淮山出帆揚楚樹移晨昏心已一作始泰蟬發是回時

送張景宜下第歸揚州觀省

朱慶餘

歸省值花時行吟落第詩私情憐道在公論覺才遺春雨

連淮暗官船過馬遲離心可惆悵為有入城期

送唐侍御福建觀兄

李群玉

桂枝攀盡賈家賢才霄漢春風棗萼開世事綸言傳大筆官

分鴻序厭霜臺閩山翠丹迎飛旆越水清紋散落梅到日

池塘春草綠謝公應夢阿連來

送盧弘本浙東歸覲

張祐

東望故山高秋歸值小舸懷中陸續橘江上伍員濤好去
寧雞口加冷及蟹螯知君思無限集作為我讀集作離騷

送段覺之西川過婚禮後歸覲

許渾

詞賦名高日集作不閑絲衣成集作錦渡函關鏡中月冷

胡威去劍外花飛衛玠還秋浪遠侵黃鶴嶺暮溪集作遙

斷碧雞山時人若問集作此西遊客心在重霄翬欲班

送友人下第歸寧

喻鳧

紫閣雪未盡杏園花亦寒灞西辭舊友楚外憶新安細雨
猿啼枿微陽鷺起難旋應赴秋貢詎得久承歡

送李潛歸錦州覲省

姚鵠

朱樓對翠微紅旆出重扉此地千人望寥天一鶴歸雪封
山崦白鳥拂棧梁飛誰比趨庭戀驪珠耀絲衣

送友人鄭州歸覲

趙嘏

為有趨庭戀應忘道路賒風消榮澤凍雨靜圃田沙古陌
人來遠遙天鴈勢斜園林新到日春酒酌梨花

送權先輩歸覲信安

前人

衣綵獨歸去一枝閑更香馬嘶芳草渡門掩百花塘野色
亭臺晚灘聲枕簟涼小齋松島上重拂讀書牀

洛中逢盧郢石歸覲

前人

不堪俱失意相送出東周緣切倚門戀倍添為客愁春山
和雪靜寒水帶冰流別後期君處靈原紫閣秋

送陳嘏登第作尉歸觀

前人

千峰歸去舊林塘
溪縣門前即故鄉
曾把桂誇春里巷
重憐身稱錦衣裳
洲迷翠羽雲遮檻
露濕紅蕉月滿廊
就養舉朝人共美
清資讓却校書郎

送裴延翰下第歸觀滁州

前人

失意何曾恨解携
問安歸去秣陵西
郡斜楊柳春風岸
山映樓臺明月溪
江上詩書懸素業
日邊門戶倚丹梯
一枝攀折回頭是
莫向清秋惜馬蹄

送春坊董正字浙右歸觀

馬戴

去觀一作省毗陵日
秋殘建業中
蒹葭石城古
山闕海門空
灌水寒橋遠一作曾波皓
月同何當復雙
校春祭少陽宮

送邵公石先輩歸連州觀省

曹松

及第兼歸觀宜忘
涉驛勞青雲具慶
少白日一飛高轉楚
聞啼狖臨湘見疊
濤連陽沉飲徧何
地在旌旄

司空曙送鄂州張別駕臘日集作臘月

送魏季羔仍有作集作有新作

送李廣下第雁秋集作雁愁

李端送人集作韓璿擢第歸觀賞高居集作高車猶在集作猶暗

此數則皆已見卷中茲不復出殊不可解

校正八十五字補校記六十五字

五月二十日汲未記

文苑英華卷第二百八十四

文苑英華卷第二百八十五

詩一百三十五

送行二十歌附

賦物送人四十一首詩十五首

賦得馬送別周員外戍嶺表後篇題作詠寫王冑

旅馬別衡陽天寒關路長行斷由驚箭聲嘶為犯霜羅雁一作

羅繳無人愍能鳴反返自傷何如似泊泊初學記作汎汎刷羽戲方

塘

此詩三百二十八卷重出今已削去

別故人賦得凌雲獨鶴王拊

單嘶凌碧霧風颺入青雲九臯空顧侶千里會離群望海

飛恒急摩天影詎分欲知淒斷意琴裏自當聞

寫應作雁

送王贊府參選賦得鶴

駱賓王

振衣遊紫府飛蓋背青田
虚心恒警露孤影尚凌烟
離歌悽妙曲別操集作引繞繁絃
在陰如可和清響會聞天

送郭

集作鄭

少府入遼共賦俠客遠從戎
前人

邊烽警榆塞俠客度桑乾
柳葉開銀鏑桃花曜

集作照

王鞍

漏月臨弓影連星入劍端
莫學燕丹客空歌易水寒

送劉散員同賦陳思王時得好鳥鳴高枝

劉斌

春林已自好時鳥復和鳴
枝交難奮翼谷靜易流聲
問關纔得性矰繳遽相驚
安知背飛遠拂霧獨晨征

得山樹鬱蒼蒼

許敬宗

喬木託危岫積翠遶連岡
葉踈猶漏影花少未流芳
風來

聞蕭蕭霧罷見蒼蒼
此中餞行邁不異上河梁

得明月照高樓

楊潒

高樓一何綺素月復流明
重軒望不極餘輝攬詎盈
鏡華當牖照鈎影隔簾生
逆愁異樽酒對此難為情

得遊人久不歸

劉孝孫

鄉關渺天末引領悵懷歸
羈旅久淫滯物色屢芳菲
稍覺出意盡行看蓬鬢衰
如何千里外佇立霑裳衣

得春鶯送友人

賀朝清

翅掩飛鶯舞啼惱婕妤
悲料取金閨意因君問所
思流鶯拂繡羽二月上林
期待雪銷金禁街花向玉
墀

餞濟陰梁明府各探一物得荷葉
張九齡

荷葉生幽渚芳華信在茲朝朝空此地采采欲因誰但恐
星霜改還將蒲葍衰懷君美人別聊取集作贈心期

送姚評事入蜀各賦一物得卜肆 前人

蜀巖化已久湛明空所思嘗聞賣卜處猶憶下簾時驅傳
應經此懷賢儻問之歸來說往事歷歷偶心期

甯校書見餞得雲中辨江樹 前人

江水連天色無集作天涯淨野氛微明岸傍樹凌亂渚前雲
舉棹形徐集作隨轉登艦意漸分渺茫從此去空復惜離群

題瓜洲新河餞族叔舍人賁 李白

齊公鑿新河萬古流不絕豐功利生人天地同朽滅兩橋
對雙閣芳樹有行列愛此如其棠誰云敢攀折吳關倚北

固天險自茲設海水落斗門潮平見沙汭我行送季父弭
棹徒流悅楊花滿江來疑是隴上雪惜此林下興愴為山
陽別瞻望清露塵歸來空寂茂

賦得秤送孟孺卿 包何

願以金錘秤因君贈別離鈞懸新月吐衡舉衆星隨掌握
須平執錙銖必盡知由來投分審莫放弄權移

送客賦得油席帽 錢起見中興間氣集

薄質慙加首愁陰幸庇身卷舒無定日行止必依人已沐
脂膏惠寧辭雨露頻雖同客衣色不染洛陽塵

賦得彭祖樓送楊宗德歸徐州幕 盧綸

四戶八牕明玲瓏逼上清外欄黃鵠下中柱紫芝生每帶

雲霞色時聞簫管聲望君兼有月幢蓋儼層城

贈送張成季往江上賦得垂楊 前人

垂楊真可憐地勝覺春偏一穗雨聲裏千條池色前露繁

花粼粼日麗影團團若到隋堤望應逢花滿船

送韋判官得雨中山 前人

前峯後嶺碧濛濛草擁驚泉樹帶風人語馬嘶聽不得更

堪長路在雲中

顏侍御廳藜藿詠送薛存誠 前人

玉幹百餘莖生君此堂側拂簷寒雨響擁砌深溪色何事

鳳凰雛茲焉理歸翼

賦得長洲苑送李惠 郎士元

草深那可訪地久阻相傳散漫三秋雨踈蕪萬里烟都迷

採蘭處強記館娃年客有遊吳者臨風思渺然

題竹扇贈別 皇甫冉

湘竹殊堪製齊紈且未工幸親芳袖日猶帶舊林風掩笑

歌筵裏傳書卧閣中竟將為別贈寧與合歡同

春鳥詞送元秀才入京 顧况

春來繡羽齊暮向竹林栖禁苑銜花出河橋隔樹啼尋聲

知去遠顧影念飛低別有無巢鷺猶窺幕上泥

柳楊送客 李益 見集本

青楓江畔白蘋洲楚客傷離不待秋君見隋朝更何事柳

楊南渡水悠悠

別鶴詞送令狐校書之桂府 楊巨源

海鶴一為別高程方宵然影搖江漢路思結瀟湘天皎然
仰白日真姿栖紫烟含情九霄際顧侶五雲前遐心屬清
都淒響激朱弦超遙聞風雨迢遞各山川東南信多水會
合當有年雌一作雄飛喚冥冥此意何由傳

賦得夜雨滴空堦送魏秀才 楊衡

委簷方滴滴霑紅復栖綠醉聽乍朦朧愁聞多斷續始兼
泉一作松響細稍雜更聲促百慮自縈心况有人如玉

送陳偃賦得白鳥翔翠微 朱灣

不知鷗與鶴天畔弄晴暉背日分明見臨川相映微淨中
雲一點迴處雪孤飛正好高枝立翩翩何所歸又玄集作正好南枝住翩何所依

聽江笛送陸侍郎 韋應物

遠以集作聽江上笛臨觴一送君還愁獨宿夜更向郡齊聞

送李竟之宣州謁袁中丞賦得渡江 張衆甫

古渡大江濱西南距要津自當舟楫路應濟往來人翻浪
驚飛鳥回風起綠鱗一作鱗君看波上客歲晚獨垂綸

賦得月下聞蛩送別 劉商

物候改秋節炎涼此夕分暗蟲聲遍草明月夜無雲清迴
簷外見淒其籬下聞感時兼惜別驕思自紛紛

秋砧送邑大夫 竇叔向

斷續長門夜清冷逆旅秋征夫應待信寒女不勝愁帶月
飛城上因風散陌頭離居偏入聽况復送歸舟

吳興送梁補闕歸朝賦得荻花 朱長文

柳家汀洲孟冬月雲寒水清荻花發一枝持贈朝天人應
比蓬萊殿前雪

賦得巴峽啼猿送客 釋皎然

萬里巴江夜三聲月一作峽深何年有此路幾客共霜襟

斷壁一作臂分連一作重影流泉入苦吟淒淒別離處一作後聞

此更傷心 一作皆高僧詩

賦得石梁泉送崔遠 前人

架石通霞壁懸流散碧沙天晴虹影度風細練文斜攀陟

幽期阻公洄客意賒河梁非此路別恨亦無涯

賦得夜雨滴空堦送陸羽歸龍山 前人

閑堦夜雨滴偏入別情中斷續清猿應淋漓候館空氣令

煩慮散時與早秋同歸客龍山道東來雜好風

賦得謝墅送王長史其墅即晉七代祖吳興守舊居 前人

世業州西墅移家長我身蕭疎遺樹老寂寞廢田春車巷

傷前轍籬溝憶舊憐何堪再過此更送北歸人

賦得竹如意送詳法師赴講 前人

縹竹湘南美吾師尚毀形仍留負霜節不變在林青每入

楊枝手因譚貝葉經誰期沃州講持此別東亭

賦得顏氏古今事得晉仙傳送顏逸梁相東王國常侍顏勸者

晉仙傳五篇 前人

會看顏氏傳多記晉時仙却憶桐君老俱還桂父年青春

留鬢髮白日向雲烟遠別賞遺簡囊中有幾篇

妙善寺達公院賦得夜磬送呂評事 前人

一磬塞山至疑心轉清越細和虛籟盡踈繞懸泉發在夜
吟更長停空韻難絕幽僧悟深定歸客忘遠別寂歷無性
中真聲何起滅

奉同顏真卿送李侍御萼賦得荻塘路 前人

落日車遙遙客心在歸路細草暗迴塘春泉縈古渡遺縱
歎蕪沒遠道悲去住寂寞荻花空行人別無數

賦得古原草送別 白居易

離離原上草一歲一枯榮野火燒不盡春風吹又生遠芳
侵古道晴翠接荒城又送王孫去萋萋滿別情

賦得望遠山送客歸

釋無可

遙山塞雨過正向暮天橫隱隱凌雲出蒼蒼共集作與水平

何時集作年疑厚地幾處向孤城歸客秋風裏回看傷別情

送祝八之江東賦得浣沙石 李白

西施越溪女明艷光雲海未入吳王宮殿時浣沙古石今

猶在桃李新開映故集作古查菖蒲猶短未集作出平沙昔時

紅粉照流水今日新苔復落花君去西秦適東越碧山清

江幾超忽若到天涯思故人浣沙石上窺明月

赤壁歌送別 前人

二龍爭戰決雌雄赤壁樓船掃地空烈火張天照雲海周

瑜在此破曹公君去滄江弄波集作盈碧鯨鯢唐突留餘跡

一一書來報故人我欲因之壯心魄

賦得白鷗歌送李伯康歸使

盧綸

積水深沉句白鷗飛翻句倒影光素句于潭之間句銜魚

落句亂驚鳴句爭撲蓮句蕞葉一作華傾爾不見句波中鴉

鷗閑無營句何必汲汲勞其生柳花冥濛大堤口悠悠揚相

和乍無有輕隨去浪杳不分細舞春風一何有上句已似

君換得白鵝時獨凭闌干雪滿池今日還同看鷗鳥如何

羽翮復叅差復叅差海潮瀾漫何由期

陳翊郎中北亭送劉侍御賦得帶冰冰流歌

前人

谿中鳥鳴春景且一派寒冰忽開散壁方鏡圓流不斷白

雲鱗鱗滿河漢壘處淺旋處深撇揆寒魚上復沉群鷺鼓

舞揚清音主人有客簪白筆玉壺貯此光如一持此贈君

君飲之聖君識君冰玉姿

洛陽行送洛陽韋七明府一有響字顧況

始上龍門望洛川洛陽桃李艷陽天最好當年二三月上

陽宮樹千花發躡家父子錯掛冠梁鴻夫妻虛適越

黃鵠樓歌送獨孤助 前人

故人西去黃鵠樓西江之水上天流黃鵠杳杳江悠悠黃

鵠徘徊故人離別堂酒盡清絲絕綠嶼沒餘烟白沙連曉

月

廬山瀑布歌送李顥

前人

飄白霓挂丹梯應從織女機遙落不遣潯陽潮向西火雷
劈山珠噴日五老峯前九江溢九江悠悠萬古情古人行
盡今人行老人也欲上山去上箇深山無姓名

賦得秋河曙耿耿送郭秀才應舉

雜言

歐陽詹

月沒天欲明秋河尚疑白皚皚積光素耿耿橫虛碧南斗

接北辰連合

集作空

濛鴻

一作濛鴻

洞浮高天湯湯

集作蕩蕩

漫漫皆

晶然實類平蕪流大川星為潭底珠雲是波中烟鷄唱漏

盡東方作曲渚

集作空曲

蒼蒼晚霜落馬叫疑從清淺驚鳥聲

似在沿河泊井州細侯直下孫才應秋賦懷金門念排雲

漢將飛翻仰之踴躍當華軒夜來陪餞歐陽子偶坐通宵

見深旨心知慷慨日

集作日

照然

集作回

前程志在青雲裏

錫杖歌送梵上人歸佛川

權德輿

上人遠自西天至頭陀行遍南朝寺口翻貝葉古字經手

持金策聲冷冷護法護身惟振錫石瀨雲溪深寂寂乍來

松逕風更寒遙映霜天月成魄後夜空山禪誦時寥寥挂

在枯樹枝真法常傳心不住東西南北隨緣路佛川此去

何時迴應真莫便遊天台

桃花石枕歌送安吉康丞

釋皎然

君吏桃州尚寄跡桃州採得桃花石爛疑朝日照已舒含

似春風吹未拆珪璋特達世所珍吾知此物亦其倫應羨

花開不凋悴應喜玉片無緇磷立性堅剛平若砥君子偏

將交道比何人亦秉堅剛姿吾見君心得如此君心所好

我獨知別多見少長相思從今一作賞玩安左右萬里提携君莫辭

春夜賦得漉水囊歌送鄭明府 前人

吳縑楚練何白晳居士持來遺禪客禪客能裁漉水囊不用良工秉刀尺先師遣我戒無缺疑一慮一翻心敢賒夕望東風思漱盥朦朧斜月懸燈紗徙倚花前漏初斷白猿爭嘯驚禪伴玉瓶徐瀉尚涓涓澣着蓮衣水珠滿因識仁人爲官情還如漉水愛蒼生聊歌一曲與君別莫忘寒泉見底清

賦得隨陽鴈歌送兄南遊 劉商

塞鴻聲聲飛不住終日南征向何處大漠窮陰多沍寒分飛不得長懷安春去秋來年歲疾湖南蘄北關山難塞飛萬里胡天雪夜度千門漢家月去住應多兩地情東西動作經年別南州風土復何如春鴈歸時早寄書

賦得射雉歌送楊協律表弟赴婚期 前人

昔以才高容貌古相敬如賓不相覩手奉蘋蘩喜盛門心知禮儀感君恩三星照戶春空盡一樹桃花竟不言結束車輿強遊徃和風霽日東臯上鸞鳳參差陌上行麥苗縈隴雉初鳴修容畫飾將何益極慮呈材欲導情六藝從師得機要百發穿揚含絕妙白羽風馳碎錦毛青娥怨處媯然笑楊生詞賦比潘郎不似前賢貌不揚聽調琴弄能和室更解彎弧足自防秋深爲爾持圓扇莫忘魯連飛一箭

泛舒城南溪賦得沙鶴歌奉餞張侍御赴河南元
博士赴揚州拜覲僕射 前人

終日閭閻逐群鷄喜逢野鶴臨清溪綠苔春水水中影夜
月平沙沙上栖驚謂汀洲白蘋發又疑曲渚前年雪紫頂
昂藏肯狎人一聲嘹唳一作冲天闕素質翩翩帶落暉湖
南渭陽相背飛東西分散別離促宇宙蒼茫相見稀皇華
地仙如鶴馭乘駕飄飄留不住延望乘虛入紫霞陌頭回
首空烟樹會使搏風羽翻輕九霄雲路隨先鳴

姑蘇懷古送秀才下第歸江南 前人

姑蘇臺枕吳江水層級鱗差向天倚秋高露白萬林空低
望吳田三百里當時雄盛如何比千仞無根立平地臺前

夾月吹玉鸞臺上迎涼撼金翠銀河倒瀉君王醉灑酒哦
冠眇西子宮娃酣態舞娉婷香飈四飈青珠墜伍員結舌
長噓噓忠諫無因到君耳城烏啼盡海霞銷深掩金屏日
高睡王道潛隳伍員死可歎斗間瞻王氣會稽勾踐擁長
矛萬馬鳴蹄掃空壘瓦解冰銷真可恥疑艷妖芳安足恃
可憐荒蝶晚冥濛麋鹿呦呦遺遺址君懷逸氣還東吳吟
狂日日遊姑蘇興來下筆到奇景瑤盤迸灑蛟人珠大鵬
矯翼翻雲衢嵩峯霽後凌天孤海潮秋打羅刹石月魄夜
當彭蠡湖有時疑思家虛無電幢髮髯遊仙都琳瑯暗受
玉華殿天香靜裊金芙蓉君聲日下聞疑來久清贍何人
敢敵手我逃名迹遁西林不得灞陵傾別酒莫便五湖為

隱淪年年三十昇仙人

文苑英華卷第二百八十五

校正八十九字 五月二十一日早起